

孫逸僊

屬虜鼓書之一

索虜昌狂泯

禹績有赤帝

子斷其森擗

迹鄭洪為

民辟四百兆
人視茲冊

序章
炳
麟

序

孫逸仙者近今談革命者之初祖實行革命者之北辰此有耳目者所同認今中黃之譯錄此書標之曰「孫逸仙」豈不尙哉而不然孫逸仙者非一氏之私號乃新中國新發現之名詞也有孫逸仙而中國始可爲則孫逸仙者實中國過渡虛懸無薄之隱針天相中國則孫逸仙之一怪物不可以不出世即無今之孫逸仙吾知今之孫逸仙之景與罔兩亦必照此幽幽之鬼域也世有疑吾言者乎則請驗孫逸仙之原質爲何物以孫逸仙之原質而製造之又爲何物此二物者非孫逸仙之所獨有不過吾取孫逸仙而名吾物則適成爲孫逸仙而已既知此義則談興中國者不可脫離孫逸仙三字非孫逸仙而能興中國也所以爲孫逸仙者而能興中國也則孫逸仙與中國之關係當視爲克虜伯鐵彈之成一聯屬名詞而後不悖此書之宗旨且影響之及於中國前途者當無涯量通紀黃帝之子孫也有能循吾黃帝之業者則視爲性命之所在且爲此廣義以正告天下以視世之以私誼而相標榜主張僞說迷惑天下者讀此書者當能辨之矣共和四千六百一十四年八月二十日黃中黃錄竟自識

原书缺页

序

四年前吾人意中之孫文不過廣州灣之一海賊也而豈知有如宮崎之所云者吾東洋人最好標榜彼得毋又蹈此病羣黃閣人多矣吾父理刑名少小隨侍往來宦場中繼又訪吾國之通臣于東南羣島復求草澤無名之英雄于南部各省龔璘人曰烏觀所謂奇此巨鯨大珠空青者耶我行僕僕亦若是則已矣大盜移國公私塗炭秦失其鹿喪亂弘多而孫君乃于吾國腐敗尙未暴露之甲午乙未以前不惜其頭顱性命而虎嘯于東南重立之都曾廣州府在當時莫不以爲狂而自今思之舉國熙熙皞皞醉生夢死彼獨以一人圖祖國之光復擠人種之競爭且欲發現人權公理于東洋專制世界得非天誘其衷天錫之勇者乎吾曾欲著此書而以三年來與孫君有識人將以我爲標榜也復罷之今讀中黃之書與吾眼中耳中之逸仙其神靡不畢肖喜而爲之序

羣黃又曰熱心家初出門任事時其進誠銳意若曰以齊王猶反手而不知前途有無限之蒺藜棘地至一旦失敗則又徜徉于歧路是以朝秦暮楚比比皆是此則孫君之

所以異乎尋常之志士讀者之所當注意吾輩之極宜自勵者中國獨立以前不知若干年卽西曆一千九百三年十月十二號同種羣黃識

孫君原序

世傳隋時有東海俠客號虬髯公者嘗游中華遍訪豪傑遇李靖于靈石識世民于太原相與談天下事許世民爲天人之資勗靖助之以建大業後世民起義師除隋亂果興唐室稱爲太宗說者謂多俠客之功有以成其志云宮崎寅藏君者今之俠客也識見高遠抱負不凡具懷仁慕義之心發拯危扶傾之志曰憂黃種陵夷憫支那削弱數遊漢土以訪英賢欲共建不世之奇勳襄成興亞之大業聞吾人有再造支那之謀創興共和之舉不遠千里相來訂交期許甚深勗勵極摯方之虬髯誠有過之惟愧吾人無太宗之資乏衛公之畧馳驅數載一事無誠實多負君之厚望也君近以倦遊歸國將其所歷筆之于書以爲關心亞局興衰籌保黃種生存者有所取資焉吾喜其用意之良爲心之苦特序此以表揚之壬寅八月支那孫文逸仙拜序

滔天原自序（節錄）

（前略）余常以爲人力之範圍至廣徒安于小節直是暴殄天資者也若欲立志遠大則必建空前之偉業以全蒼生始能相副

人或曰理想者理想也不可實行也余以爲理想者可實行者也不可實行直夢想而已余信人類同胞之義故忌弱肉強食之現狀余奉世界一家之說故惡近今之國家競爭忌者不可不除惡者不可不破不然則終于夢想耳矣于是余自運其腕力遂至以世界革命者自任

余雖不限于人力之範圍而人生之要務對于己不可不著實研究佛者所謂見性成佛耶蘇所謂欲神之完全斯完全蓋唯學可以至道而已惟唯學可以至道故思教育之普及雖然社會不平等也貧者多而富者少而教育不可不待時之與財則欲謀教育之普及必變多數細民之狀態余於是又以社會革命者自任

余認個人之自由權利者也不論財產平均之說不論國家社會之說惟土地者非人力之所構造而天之賦與萬民者也故不可爲少數人之所專有此乃理論之根據而

欲以恢復地權以一變細民之窮境者然如何而得所欲則言論畢竟無效于世唯有賴腕力之權之一法

嗚乎余之理想與現世相距奚啻千里而獨不安于理想必求所以實行之者以爲世界一朝可退于百世之後一夕可溯之百世之上豈千里之距離一瞬而不足以致之乎唯是腕力之權之所自起而以人天之和不和定其成局可也雖然所謂腕力之權者不能施之實際亦屬夢想乃余欲以支那爲腕力之根據地以爲彼處人多地廣而甚迫于革命之機吾欲取其同吾主義者而使代之以適理想之用而定立極之基以之號令宇內則庶幾從吾所願

雖然余以人種習慣之不同故擬熟練支那之言語風俗而潛入內地與支那人混合而從事乃遍訪人物而得孫逸仙先生乃附驥尾而與之驅難多年有菲島事件有新嘉坡之入獄有海峽殖民地之放逐令有香港之放逐令惠州之革命軍有中六對孫君事件有同志之內訌我事悉敗則終叩桃中軒之門而投入浪花節之群（中畧）

嗚乎人生原是一場夢今余所著「三十三年之夢」一書亦不啻痴人說夢余豈願賢

者之笑之哉明治三十五年八月滔天宮崎寅藏識

凡例

一是書乃從日人白浪庵滔天所著『三十三年之夢』譯出口吻皆出自滔天今雖易其口吻而大致仍從原書故言事多偏而不全

一譯者于當年之事不能詳故詮事一本原書而原書乃以一人之經驗觀察大局故作者或別有所注重且作者爲日人所序日本同志之事尤爲詳備以其位置與其感情不得不然今以吾人之眼光擇取之故於注意處每多遺恨容俟他日之詳考

一是書不過取原書十分之四而十分之四復有裁汰故所存無幾以多關滔天一己之瑣事不合于譯者之主義也是書雖爲譯體而頗費制裁閱者當能辨之

一是書標題孫逸仙乃從吾主義之所在而亦爲原書中特別主腦故易以此名無所不合

一是書于康黨之行動言之亦詳以孫康二派非對勘無以見其真

一原書體近小說且滔天乃風雅之英雄其所談留香女史政子女史等事想其得意之筆今皆汰之

一原書于絕大關係處多空白今據所知者填入疑者仍闕之

孫逸仙目次

第一章 孫逸仙之畧歷及其革命談判

興中會首領◎使館之囚◎陳白與白浪庵滔天◎支那國民與共和政治
◎共和政治又爲統一英雄之方法◎支那之興亡與人道之消長◎呂曾
洪楊之比較

第二章 孫黨與康黨

康有爲◎革命之急先鋒◎變節漢◎北清事變與康黨◎康有爲之來港
◎滔天之革命論◎革命與改革難易之比較◎保皇亦須流血◎孫康聯
合之夢想◎康有爲與西后◎萬木草堂◎衣帶詔與密電◎小國會◎康
絕孫◎日本人之藐康◎康構孫◎康有爲與李鴻章

第三章 南洋之風雲與吾黨之組織

菲律賓之志士◎孫君提議投阿氏軍◎購入軍器之準備◎九引丸之沈
沒◎陳白之慰菲島委員◎畢松琥◎師中吉◎合同前之內訌◎哥老三
合興中三會之合同◎史堅如◎史堅如之主義與理論◎孫君之決議南
征

第四章 南征之變動及惠州事件

孫君指示方畧◎廣東志士之招待◎刺客問題◎滔天絕康之書◎新嘉坡之入獄◎運動同囚之惡徒◎第一審問◎第二審問◎新嘉坡五年之放逐令◎孫君刺客問題之計畫◎香港五年之放逐令◎孫君之提議◎日比之提議◎孫君與滔天之激談◎李鴻章謀挈兩廣獨立◎香港總督與孫李◎孫君復提議◎義軍起于惠州◎中六之誤事◎三州田之山寨◎清軍之出兵◎孫君傳令趨廈門◎沙灣之戰◎鎮隆之戰◎擒杜鳳梧◎永湖之戰◎崩岡墟之戰◎孫君之警報◎大軍解散◎嗚乎史堅加◎嗚乎楊飛鴻◎事全敗于送彈準備之失事